



- 1 **F**acti series.
- 2 **P**ræservatiova supponit existentiam subjecti conservabilis.
- 3 **D**e constitutione 157. Urbani VIII. ejusque interpretatione.
- 4 **D**e centenaria in eadem constitutione præservata, à quo tempore sit computanda.
- 5 **Q**uod sit faciendâ computatio à tempore alienationis ad tempus litis.
- 6 **D**e historia legali, ex qua deducitur simile præscriptionis.
- 7 **D**e alio simili in materia jursipatronatus.
- 8 **I**n vim centenariæ potest allegari quicumque titulus de mundo melior.
- 9 **D**e ratione dictæ conclusionis.
- 10 **P**ossessio centenaria suffragatur, ubi constat de negativa solemnitate.
- 11 **L**ex nova respicit futura, & quando etiam præterita.
- 12 **Q**uod dicta constitutio Urbani non tollat præsumptionem jam firmatam.
- 13 **N**on præcedit in contradiçtionibus inter Ecclesias.
- 14 **Q**uid ubi Ecclesia habet causam à laico privato.
- 15 **Q**uid debeat attendi origo, & datur simile de jurepatronatus.
- 16 **S**ecus ubi suspicio auctoritatis purgata est in possessore.
- 17 **S**apè Notarii dicunt in testamentis, & instrumentis id quod partes voluerunt.
- 18 **I**dem contingit in legibus, & dantur aliqua exempla.

DISC. II.

**I**n controversia coram Ordinario excitata, inter Rectorem Ecclesiæ, & Hypollitam de ultima generatione concessionis bonorum, super puncto facultatis affrancandi, de quo habetur adum sub tit. de emphyteusi disc. 39. Recurrens Rectore ad aliud motivum nullitatis concessionis emphyteuticæ, ex defectu beneplaciti Apostolici, cujus præsumptio, quæ aliàs de jure communi ex lapsu temporis longissimi juncti cum observantia resultabat, hodie sublata remanet per Constitutionem 157. Urbani VIII. ut insignatur disc. præced. præterquam ubi lapsus temporis centenarii accederet, qui in hac facti specie accedebat, quando computatio ex die alienationis, usque ad illum motum controversiæ faciendâ esset; Hinc excitata fuit difficultas, an id suffragaretur, vel potius centenaria deberet esse completa de tempore, quo Constitutio prodiit; quare desuper ex parte Hypollitæ consultus.

2 Respondi quod primo aspectu attendendum videretur tempus editæ Constitutionis, adeo tunc existere centenaria per eam præservata, ex regula, quod præservative natura est nihil dare, vel tollere, sed conservare id, quod in venit in suo statu cap. sollicitudinem de appell. cum concord. per Mant. dec. 270. num. 13. dec. 278. num. 8. & seqq. par. 9. recent. & consequenter præsupponit subjectum, jam existens conservabile, quod dici non potest, ubi tunc dictum centenarium tempus lapsum non esset, quoniam quod non existit, præservari non potest.

3 Cumque super hac moderna lege alias non habeamus glossas, vel auctoritates, nisi decisiones Rotæ Romanæ, quæ illam interpretata est (forte præter intentionem legislatoris,) ut hujusmodi inferiores, ac privatas alienationes complectatur, exemit autem illas, quæ factæ essent in alteram Ecclesiam, ac etiam casus tunc in judicio deductos, ut eodem disc. præced. Hinc proinde, cum in Romana palatii coram Albergo 18. Maii 1657. impress. dec. 168. num. 22. part. 12. recent. pluries in aliis instantiis confirmata, firmetur centenarium attendi factâ computatione ad tempus ipsius editæ Constitutionis, ita cum hoc sensum procedendum esse videretur.

4 His tamen non obstantibus, contrarium dixi probabilius videri, quoniam ista lex non prodiit solum super negotiis particularibus alienationum jam factarum à centum annis citra, sed per viam legis universalis ac perpetuæ pro temporibus, ac seculis futuris, mundo durante, usque ad diem iudicii, ad quem nostra fides est, Catholicam Ecclesiam duraturam esse; Et consequenter intelligenda est adinstar aliarum legum desuper providentium; Ut in specie habeamus dispositionem juris civilis in aulicis, ut Ecclesia Romana canonice, super præservativa centenariæ tantum favore possidentium bona Romanæ Ecclesiæ, contra quam alia præscriptio non est allegabilis, quoniam licet dicta lex pro-

dierit sub Justiniano circa annum salutis 530. atque in his partibus occidentalibus ejus observantia restituta fuerit circa annu 1130. juxta legalem historiam plurimum infirmatam, præsertim autem latius enarratam, & experiam sub tit. de servit. disc. 1. occasione agendi de puncto, an nove leges, 6 quæ per Antonium Contium & Guttfredum, alioq; modernos antiquitatis indagatores in modernis Codicibus registratæ fuerunt, vim legis habeant; Et tamen fabulosum esset, ut justificari deberet centenaria completa de tempore editæ legis, adeo ut alias præscriptio allegabilis non esset.

5 Item pluries habetur sub tit. de jurepatr. præsertim disc. 57. & 58. super probatione Jurispatronatus tam potentium, quam privatorum, cujus explicitus titulus fundationis, vel donationis per authentica documenta non habeatur, ut tempus immemorabile, vel centenarium hujus tituli præsumptionem inducat, Et tamen tale tempus completum esse non debet, quando prodiit Concilium Tridentinum, sed de presenti quando lis movetur, atque possessori de ejus possessionis viribus questio movetur; Idemque circa alium terminu 50. annorum, per quem de continuatis presentationibus effectum fortis docendam est; Sic pari.

6 Clarius verò, attenta eisdem præservativæ ratione, quoniam illa non prodiit per viam gratiæ, & privilegii, sed explicando id, quod de jure dispositum est, & ne alias maxima exorbitantia ex hac nova lege resultaret, quoniam centenaria possessio, (quoties non constat ceritudinaliter de contrario initio vitioso, ad quod præcessit possessor se restinxerit tanquam ad titulum meliorem, omnem maculam, vel suspensionem purgat, atque jus tribuit allegandi quemcumque titulum de mundo meliorem abique necessitate illum justificandi, ex deductis per Gabr. de præscript. conclus. 1. num. 7. Menoch. conf. 1023. nu. 2. & 4. Rota apud Merlin. decis. 593. nu. 28. & habetur sub tit. de servit. disc. 3. & sub altero de Regal. disc. 47. & alibi frequenter.

7 Ea viva, & convincenti assente ratione, quod cum per centenarii temporis decursum, hominum memoria perierit, ac etiam, ut plurimum perire soleant scripturæ, & quantenus extent, ignotæ sint, cum nemo adfuit, eas indicare valens, hinc proinde esset reformare totum mundum, si dominia per sæculum, & ultra conservare, ex integro justificanda essent, præterquam, ut dictum est, ubi possessor sue possessionis daret initium, cum restricti ad illam titulum tanquam unicum, & meliorem, de cujus infectione incontinenti constaret, cum ita præsumptio excluda remaneat per contrariam veritatem, factis autem, ubi idem titulus compatibilis est cum præsumptione alterius tituli melioris, quæ ab immemorabili, vel centenaria resultat, ex deductis præsertim dicto disc. 47. de Regal. & infra disc. 169.

8 Tantæque potentis centenaria possessio haberi solet, quod licet in terminis juris communis dicta præsumptio resultans ex observantia longissimi temporis 30. annorum cesset, ubi de negativa adhibitæ solemnitate constaret ex 10 deductis dicto disc. præced. & sub tit. de dote disc. 143. ac alibi, adhuc tamen tempus centenarium si fuit, quoties tituli infectio non sit talis, quod in possessore malam fidem inducat, omnemque diversam præsumptionem omnino excludat, apud Caval. dec. 623. nu. 2.

9 In proposito item hujus Constitutionibus, aliàs pluries in facti contingentiâ disputando: Dicebam, probabilius videri, quod cum legis natura sit respicere futura, non autem præterita; Nisi quando expressè dicatur; Vel ubi prodierit per viam declarationis ejus, quod prius dubium erat; Aut circa ea præterita, quæ adhuc aliquam perfectionem expectant à futuro, ex iis quæ cæteris reliquis habentur collecta apud Farinac. in fragment. verbo lex num. 36. & seq. Mant. dec. 259. nu. 4. Rovit. prag. 2. de censu. Rota dec. 35. nu. 9. post Merlin. de pigm. & seq. 1; Attamen in dubio præsumenda non sit voluntas Principis tollendi jus tertio jam questum, ex iis, quæ habentur pluries deducta, præsertim sub tit. de Regal. disc. 148. ubi de hac materia potestatis tollendi jus tertii; Hinc proinde dicere consuevi, durum videri, ut ista Constitutio afficere deberet eos, qui de tempore, quo edita fuit, suam possessionem, ac dominium confirmaverant, cum jam nata, & completa legitima solemnitate præsumptione resultante à longissimi temporis possessione, junctâ cum vera, & pacifica observantia, unde propterea esset tollere jus questum, ac, facere non dominium eum, qui jam dominus effectus erat: Eo modo, quo mala fides super veniens post jam completam præscriptio- nem, illius effectum non tollit Abb. & ceteri in cap. auditis de præscript. Mant. dec. 256. nu. 5. Burat. dec. 739.

10 Atque si declaratum fuit quod Constitutio non comprehendit

- 1 **F**acti series.
- 2 **D**e nova dispositione Extravagantis Ambrosiæ.
- 3 **D**e ejusdem moderno recepto intellectu.
- 4 **D**ecisiones, & auctoritates modernæ non applicantur alienationibus antiquis, & de ratione.
- 5 **Q**uando fuit editus liber Decretalium.
- 6 **D**e beneplacito præsumptio ex tempore.
- 7 **D**e virtute possessionis centenariæ.
- 8 **Q**uæ sint solemnitates de jure communi.
- 9 **N**on suffragatur possessio quantumvis antiqua ubi constat de initio vitioso.
- 10 **M**ala fides impedit præscriptionem non obstante quocumque tempore.
- 11 **R**etentio tituli infecti inter scripturas inducit malam fidem.
- 12 **D**e differentia inter centenariam, & immemorabilem, & quod prima non sit tantæ virtutis.
- 13 **N**on valent agere non curri præscriptio; idcirco successores non nocet negligentia prædecessoris.
- 14 **Q**uare cum difficultate præscriptio sola raro foret possessores.
- 15 **H**abens centenariam potest allegare titulum meliorem, quem non tenetur probare.
- 16 **D**e eadem conclusione, de qua num. 12.
- 17 **A**n immemorabilis sit major, quam centenaria, vel è contra.
- 18 **D**eclaratur conclusio, de qua n. 9. ut possessio antiqua non suffragetur, ubi constat de initio, quando procedat.
- 19 **D**e eodem.
- 20 **A**n investitura probet dominium, sive an istud bene probatum de tempore præterito sufficit de presenti.
- 21 **Q**uod fiant bene simul initium, & immemorabilis; dantur exempla.

DISC. III.

**C**um utque ab anno 1270. quedam bona, (attento hodierno statu, (nimis conspicua, magnique valoris, per Abbatem, ac Monasterium S. Cornelii ad Indam, pro exiguo pretio alteri Ecclesiæ alienata fuissent, adeo ut supponeretur majorem esse unius anni fructum, quam pretium in forte principali, hinc proinde cupiens Abbas modernus dicta bona recuperare, ac Monasterium reintegrare, consilium pro veritate à pluribus Romanæ Curie Advocatis de anno 1666. petiit; Cumque ego eisdem unis ex dictis desuper consultis.

2 Respondi quod pro meo sensu, id nimis durum, peneque desperatum opus videbatur, quoniam in hac materia alienationis bonorum Ecclesiæ, modernis temporibus magis rigoro- se proceditur ob Constitutionem Pauli II. quæ incipit Ambrosiæ registratam inter Extravag. communes sub tit. de reb. Eccles. non alien per quam de novo inducta est præcisa solemnitas beneplaciti Apostolici, magisque inculcata iusta causa necessitatis, vel evidentes utilitates, sub decreto irritanti inficiente quemcumque titulum, & possessionem, ex iis, quæ desuper ad hanc materiam generaliter deducta habentur supra disc. 1. Quinimo illa præcisa necessitas, quam hodie receptam habemus dictæ solemnitate præcisa magis videtur à traditionibus modernorum, ac à Rotæ Romanæ determinationibus, cum prius sub questione esset, an alternative dicta solemnitas beneplaciti Apostolici, vel aliæ solemnitates per antiquos canones desideratæ sufficere deberent, ut eodem disc. 1.

3 Cum igitur dicta moderna Constitutio prodierit de anno 1448. & sic penè per duo sæcula post istam alienationem, quæ, ut supra, supponebatur facta de anno 1270. hinc proinde advertebam, suffragari non posse conclusiones ex modernorum traditionibus, ac Rotæ decisionibus desumptas, cum quibus hodiè vivimus, quamvis aliqui desuper etiam consulti, utpotè totam scientiam desumentes ex modernis decisionibus, ac juxta conclusiones, quas in repertoriis annotatas habent, cum illis aliud non indagando, procederent.

4 Quinimo advertebam, dubitari posse, an de tempore alienationis, ipsi Decretales in illis partibus publicati, vel cogniti essent, cum eorum volumen continens quinque libros, editum esset sub Gregorio IX. inter annum 1227. in quo creatus fuit, & annum 1241. in quo obiit, & sic tempore proximo.

5 Fortius, quoniam etiam in rigorosis terminis Extravag. Ambrosiæ, solus lapsus temporis longissimi sufficit ad præsumptio-

COLONIEN. BONORUM PRO MONASTERIO SANCTI CORNELII AD INDAM CUM ECCLESIA N.

**R**esponsum pro veritate.

De eadem materia præsumptæ justificationis solemnitatibus, ac legitime alienationis bonorum Ecclesiæ, resultantibus ab antiquissima, præsertim centenaria possessione; Et quando dictæ præsumptioni obstat, necne infectio tituli, ex cuius inspectione appareat de defectu solemnitatis; vel causæ; Et præsertim de alienatione antequam edereur Extravagan. Ambrosiæ.

Card. de Luca Lib. VII.





ROMANA GANONUM PRO CAPITULO S. MARIE MAJORIS CUM ZONCHIS.

Causa disputata coram Vicario eiusdem Basilice, & resolutione pro capitulo, credo, postea concordatus.

De indirecta, seu impropria alienatione per diminutionem, seu sbassamentum canonis, vel census reservativi: Et an, & quando annullata alienatione, debeantur fructus medii temporis, de quibus Ecclesia reintegrari debeat.

S U M M A R I U M.

- 1 F Acti serie.
2 De fructu fundo emphyteutico, an emphyteute teneatur ad canones.
3 Diminutio canonis, vel census est alienatio prohibita.
4 Et quando fieri possit.
5 An fieri possit redemptio census consignati.
6 Quod expediat quandoque facere dictam reductionem.
7 An & quando veniant fructus restituendi ob male factam alienationem.
8 De rationibus differentie ob quas in censu non veniat dicta restitutio.
9 De distinctione inter fructus qui petantur principaliter, vel accessorie.
10 Devotionibus dubitan dis contra obligationem restituendi fructus.

D I S C V I.

F Acta per Capitulum Basilice S. Marię Majoris emphyteutica concessiones situs pro domibus constructis sub convento annuo canone, vel censu; Cum tractu temporis per publicos Ediles mandatum esset in dicto situ, & adjacentibus locis aperiri novam viam publicam pro majori etiam commoditate constructuram novas duos, unde propterea hæc pars inutilis, ac infructifera remanebat, hinc possessores ad eodem Capitulo obtinuerunt, (abique tamen beneficiis Apostolico, vel alia solemnitate) canonis, vel census notabilem diminutionem, seu sbassamentum; Agnita verò per successores Canonicos dicti actus in validitate, iudicium contra emphyteutas motum fuit pro solutione integre præstationis ab initio conventę tam pro tempore præsentis, & futuro, quam etiam pro toto decursu, super quo maior fuit quæstio, atque cum ad favorem Capituli iudicatum esset, pendente causa coram iudice appellationis, credo quod honesta concordia super decursu tamen, non autem pro tempore futuro, controversię finem dederit.

In his autem disputationibus, tres fuerunt puncti; Primò scilicet super dictę reductionis, seu diminutionis validitate, vel invaliditate; Secundò super solutione summe diminutę pro toto tempore decursu ante motam litem; Et terciò, an tam pro tempore decursu, quam pro futuro prætendi possent canones, vel census pro illius situs, vel soli, quod iam destructum erat, atque inutile effectum, dum ad formam vię publicę redactum erat.

De hoc ultimo habetur aliquid insinuatim in sua materia sub tit. de emphyteusi disc. 54. atque decisio pendet à distinctione, quod; Aut destructio provenit ex facto voluntario ipsius emphyteute, seu livellarii, & indubitatum est, canones, vel census deberi, quamvis ex re non existente loco damnorum, & interesse, dum etiam in censu consignativo, quod est magis, si debitor voluntarie, seu culposè fundum censum destruit, vel deteriorat, eadem obligatio intrat, ut in sua materia sub tit. de censibus; Aut verò provenit casu fortuito, ut in præsentis proveniit dicebatur, dum vię publicę apertura per publicos Ediles de Pontificio etiam oraculo sequuta erat, & tunc intrat distinctio, an pars, quę remanet, integri canonis, vel præstationis capax exsistat, necnè, & quę capacitas in præsentis supponebatur.

Super primo item puncto, modica fuit disputatio, cum planum esset, ut diminutio canonis, vel census reservativi dicenda sit species prohibitię alienationis, cum ita sit ipsa bona Ecclesiastica alienare, atq; Ecclesię patrimonium formiter diminueret, ut in specie advertitur supra disc. 1. & juxta decis. 1228. Seraph. ut in specie de hac diminutione

tione, seu sbassatione census reservativi. Ricc. decis. 134. part. 1. ad disc. 374. part. 4. de Marin. resol. 6. lib. 1. num. 10. & communiter, cum in censu reservativo, vel in pensionationis perpetuus casus sit indubitatus, nullamque habeat dubitandi rationem, quoties fieret per viam meræ voluntarię remissionis, seu sbassationis; Secus autem per viam recognitionis veritatis, ac bonæ fidei pacificę, ac benevole concedendo illi, quod de iustitia negari non potest, atque denegando iudex decerneret, quia nempe ex temporum conditione, vel alius accidentibus emphyteutica, vel censita notabiliter diminuta, sive incapax oneris effecta esset, juxta casus de quibus sub dicto tit. de emphyteusi dicto disc. 54.

Solumque alias in facti contingentiã pluries dubitatum vidi, & consultus fui, an eadem redemptio, seu sbassatio abque beneficiis Apostolicis fieri possit in censibus consignativis, quia nempe imposito censu ad majorem rationem, & postmodum ad minorem reducatu; Atque isto casu, quando non ageretur de censu antiquo imposito ante Bullam Pii V. quę propterea irremissibilis esset juxta decisionem 394. post Cenc. de cens. & per eundem Cenc. qu. 59. num. 18. (quo casu reservativi speciem habere videretur) sed esset ad libitum debitoris redimibilis, tunc pro meo iudicio dixi indubitatum videri id licite fieri posse, nullamque probabilem dubitandi rationem desuper cadere, cum id continet quandam circumstantiam, seu plurimum actuum licitorum occultationem, quia scilicet fingatur debitorum extinxisse, (ut poterat) priorem censum, abique eo quod Ecclesia creditrix id negare possit, cum esset actus necessarius, quodque incontinenti ad novam impositionem deveniret effectus.

Magis verò Ecclesię creditrici expediret procedere per hanc viam simplicis reductionis (quoties tamen citra fraudem, & collusionem bona fidei in lequatur, quia nempe temporum conditio, & usus communis diligentium patrum familiaritas ita exigat,) quoniam continuante eodem antiquo censu, evitatur illa quæstio, de qua pluries sub tit. de creditrici, an scilicet novum creditum creatum pro extinctione antiqui cum cessione iurium, vel pacto de subintraendo, eandem habeat anterioritatem pro fructibus, utpotè à novo, non autem ab antiquo contractu productis, ut ibi.

Major igitur, ac penè tota disputatio fuit super restitutione ne ratæ remissio, seu diminutio pro tempore decursu, super quo puncto scribitur per debitoribus non negabant conclusionem infirmam sup. disc. 1. etiam disc. 4. ut in alienationibus veris bonorum stabilium per veritatem veniant etiam fructus, cum ista propositio apud antiquiores controversa hodie videatur plana; Dicebant tamen secus esse in huiusmodi impropiis alienationibus, quod cum actus implicitum habeat statum validitatis, donec Ecclesia penitere, atque invalidum contractum declararet, quia potest colle penitere ex privilegio claudicationis sibi competente, idcirco fructus intermedii non restituuntur juxta firmata per Rotam decis. 29. post Cenc. de cens. & apud Merlin. decis. 235. Gonzal. de regul. 8. Cenc. de cens. & alii, de quibus dicto disc. 1.

Quidquid autem sit de huius assumpti veritate juxta insinuat eod. disc. 1. Dicebam etiam in sensu veritatis, ut eo admisso, non exinde inferri possit ad casum controversię, procedit enim in terminis diversis census consignativis, in quo duplex intrat ratio differentię. Primò scilicet, quod interim Ecclesia habet in manibus sortem, quę tamen ratio tuta non est, cum intraret etiam in casu verę alienationis bonorum stabilium, quorum pretium interim in manibus haberet, & tamen suffragatur, nisi eadem Ecclesia utilitatem fructibus æquivalentem reportasset, unde propterea intraret actio, vel exceptio de utili in rem vero, quia nempe pretium erogatum fuisset in extinctionem debiti fructiferi, vel in acquisitionem censuum aliorumque effectuum fructiferorum.

Magis tamen congrua videtur altera ratio, quod cum in censu consignativo Ecclesia debitoris, vel ejus administrator faciat actum positivum solvendi fructus singulis annis, vel temporibus, ita positivè declarare dicitur pro eo tempore habere voluisse contractum pro valido, unde propterea creditor in bona fide versari poterit, atque fructus percipere & consumere, secus autem ubi accedit solum factum negativum minoris perceptionis, cum per istud dictę voluntatis positiva declaratio ita resultare non diceretur.

Ad quod ponderabam etiam distinctionem, de qua plene ceteris relatis apud Merlin. decis. 663. repetit. decis. 3. p. 7. recent. inter illos fructus, qui veniant accessorie, & con-

secutivè ad ipsam rem, ac illos, qui principaliter, & de 9 per se debeantur, ac petantur.

Reflectendo autem ad veritatem, tam isto casu, quam generaliter in quocumque alio, etiam verę, & proprię alienationis, intellectus non de facili acquievit dictę rigorosę conclusioni super fructuum restitutione, quoties non deur vera, & culposa mala fides inexcusabilis; Tum 10 quia dicitur hæc quedam mala fides per legem subintellecta resultans à probabili ignorantiã juris, cuius notitia, neque in ipsis jurisperitis extra magnas Civitates bene dari solet; Tum etiam quia interesse fructuum non percutit jus Ecclesię, sed potius ipsius Prælati, vel Rectoris, qui aliàs eos percepturus fuisset, unde propterea, durante jure Prælati alienantis, hic per exceptionem doli, vel refectionem damnorum & interesse repellendus videatur; Et quoad successores, intrare videtur eadem ratio, quod scilicet non declarando contractum invalidum, sive non exercendo penitenti facultatem, ita implicite declararent pro eo tempore habere velle contractum pro valido, & sic possessor ex ista crediturati versari poterit in eadem bona fide, quę in hac facti specie resulare quoque videbatur ex iusto motivo credendi, ut diminutio canonis fieri poverit de iusta, & pro recognitione veritatis, & bonę fidei, dum pars rei emphyteuticę, ut supra, destructa, seu inutilis effecta erat, lideoque insinuatis de more difficultatibus, consului honestam concordiam.

ROMANA CENSUS PRO CONFRATERNITATE SPIRITUS SANCTI NEAPOLITANORUM. CUM CONFRATERNITATE B. MARIE DE HORTO.

Causa decisus per Rotam pro Confraternitate.

De impositione censuum cadente sub prohibita alienatione; Et quando Confraternitates laicorum dicantur ad hunc effectum ecclesiasticę, ut earum bona sub hac prohibitione cadant.

Et an validè imponi possint census ad effectum construendi de novo domum super ipsamet domo construenda.

S U M M A R I U M.

- 1 De facti serie remissio.
2 Resolutio casus.
3 Impositio census est alienatio prohibita.
4 De differentia inter locum pium, & ecclesiasticum.
5 Potest fieri impositio census super bonis quærendis.
6 Decisiones Rotę sunt præsupponendę.
7 De probatione, quod locus sit ecclesiasticus.
8 Ad hunc effectum attenditur tempus supplicationis super credicione non autem litterarum.
9 An census imponatur super nova fabrica construenda in antiquo solo Ecclesię.
10 Eadem domus potest esse plurium dominorum per diversa solaria.
11 Quando intret distinctio inter fabricam novam, & antiquam.
12 An super domo construenda imponatur census.
13 Ecclesia debet restituere id quod versum est in ejus utilitatem.

D I S C V I I.

P Ræsupposita facti serie, de qua in hac eadem causa sub tit. de cens. discurs. 7. occasione agendi, an census imponi possit super domo, seu re construenda; Quatenus pertinet ad hanc materiam alienationis bonorum Ecclesię, & an ista pia laicorum Confraternitas, eisque bona caderent sub dispositione Extravag. Ambrosię per Rotam coram Bichio die 5. Aprilis 1652. pro comprehensione & consequenter pro nullitate census respondentum fuit, atque in hoc statu causa pendet abque ulteriori progressu.

In hac autem dispositione, cum juxta quotidianam praxim, totum penderet à iustitia, non negabant Scribentes pro creditore conclusionem hodie extra controversiam receptam, ut supra disc. 1. generalitè insinuatam, ut impositio census tanquam redolens quandam servitutem fundi cessit veniat sub prohibita alienatione, sed conclusione admissa,

tripliciter nitebantur fundamento; Primo scilicet, quod ageretur de Confraternitate laicali, quae ob opera pietatis pia dici mereretur, non autem ecclesiastica, & con- sequenter, quod ejus bona non caderent sub dispositione Extrav. Ambitiosa de reb. Eccles. non alien. ut tam ad hunc effectum, quam ad alterum laicalis jurisdictionis, seu competentiae forei, ceteris plene relatis ac distinguendo inter locum ecclesiasticum, vel locum pium, habetur apud Rotam dec. 313. par. 10. n. 9. & dec. 248. n. 19. par. 11. res. cum aliis, de quibus supra eod. disc. 1.

Secundo, quod nihil de Ecclesiae bonis alienatum erat, minusque in aliquo ejus patrimonium diminutum, dum census impostio facta erat ad effectum construendi novam domum, quae solum census affecta erat, ideoque dicebant intrare ea, quae habentur apud Roias dec. 161. 205. & 262. cum aliis, de quibus eodem discurs. 1. ut prohibito percutiat bona quae sita, & Ecclesiae incorporata, non autem quaerenda, & occasione acquisitionis, cum tunc omnis justitiae, ac aequitatis ratio vadeat, ut Ecclesiae bona acquisita cum sua causa, ac onere insito, habere debeat, ne aliis resultaret illa completatio de alieno, quae in quolibet privato damnata est, multo magis in Ecclesia, quae aequitatis, & justitiae cultrix est aliorumque exemplar.

Et tertio, quia constabat de versione in causam expressam, si non in toto, saltem in notabili parte, quod scilicet pecunia ad hunc effectum data; erogata esset in merces fabricorum, ac in emptionem coemeteriorum.

His tamen non obstantibus, scribens pro Confraternitate, cum sensu ejus veritatis, dicebam de dicti census invaliditate respondendum esse, ideoque resolutio probabilis vita est; Praesupposita siquidem dicta conclusione, quam etiam scribentes in contrarium admittebant, ut posita ecclesiastica qualitate, non dubitetur impositionem census esse speciem prohibita alienationis, quodque propterea tota disputatio consisteret in obje- ctis.

Quatenus pertinet ad primum, an ista Confraternitas esset ecclesiastica, vel pia tantum, admittendo supradictam distinctionem inter locum pium, & locum ecclesiasticum; Dicebam clarum esse, ut versaremur in secunda parte loci ecclesiastici, absque necessitate assumendi de super ex integro disputationem, dum id iam in indivi- duo firmatum fuerat per Rot. in Romana Spolia 4. Julii 1627. & 16. Januarii 1632. coram Coccino, stante Rotae invocantio, ac notorio stylo praesupponendi, & non re- vocandi, vel circumscripti incidenter decisiones super aliquo puncto jam editas.

Et nihilominus absque necessitate exquirendi ecclesiasticam qualitatem ex signis, quae pariter in ipsa Confraternitate verificabantur, habendi scilicet Ecclesiam, & o- ratorium cum campanis, induendi sacrum, & interveniendi in publicis processionibus, sub omnimoda visita- tione, & correctione Ordinarii, cessabat omnis difficul- tas ob expressam formalem erectionem probatam per litte- ras Apostolicas Sixti V. non quidem pro simplici approba- tione pii instituti, vel concessione alicujus facultatis circa divina, & spiritalia, sed cum formali erectione in Ec- clesiasticam Confraternitatem, unde propterea punctus remanebat ex solo facto omnino planus.

Solumque circa istam circumstantiam, disputatio fuit in quadam alia causa super consimili censu antiquiori cum quodam Corfino in Tribunali A. C. eo quia impostio per aliquos dies praecedebat dictam Apostolicam erectionem, unde propterea praetendebatur census (substineri, quamvis beneficium Apostolicum non adesset, ex dicta ratione, quod tunc locus dici non possit ecclesiasticus, sed remaneret simpliciter pius; Verum difficultas pariter ex facto sublata fuit, quoniam erectio antecedenter facta fuerat per Gregorium XIII. mediante supplicatione jam signata, & data, unde propterea ex tunc gratia perfe- cta fuit, litterae autem, ob super ventam mortem Pontificis, ad probationem, ac executionem potius, quam ad substantiam gratiae necessariae, ut Regulis Cancellariae satisfieret, expeditae fuerunt per successorem in ea forma, quae dicitur, rationi congruis, unde propterea gratiae affe- ctus retrotrahitur ad suum initium, ut pluries in suis ma- teriis sub tit. de Beneficiis, & sub altero de Pensionibus.

Quovero ad alterum objectum impositionis census super bonis acquirendis occasione illorum acquisitionis; Admit- tebam pariter conclusionem veritatem in abstracto; Nega- bam tamen ejus applicationem in concreto, quoniam

cum census, etiam attenda juris communis, ac antiqua- rum Constitutionum Apostolicarum dispositione, de essen- tia juxta probabiliorum opinionem, quamvis contradic- toribus non carentem, hodie verò attenda Constitutione Pii V. indubitam, exigit per fundo rem stabilem fructifera- ram, nullatenus dici poterat illum impostum esse super ea eminentiori fabrica nova, quae ita de novo constructur, cum illa absque solo, & antiquis fundamentis, ac parte inferiori dici non possit res stabilis stans de se per se, sed tamquam species alluvionis constituebat unum, & idem praedium ita actum, ideoque census impostus remane- bat super bonis antiquis jam quaesitis, & Ecclesiae incor- poratis.

Et quamvis considerarem deduci posse ea, quae habentur praesertim in S. Severini sub tit. de servitutibus disc. 10. (licet Scribentes in contrarium id non motivarent, ) quod unus ejusdemque domus, plures diversi domini dari possunt per solaria sive appartamenta, quia unus scilicet sit dominus appartamenti inferioris, alter vero super- rioris, & successivè nil prohibere videretur ut quilibet in sua parte, ad limites capacitatis, censum imponere pos- set, cum ita dicitur res stabilis fructifera, absque neces- sitate, ut impostor sit etiam dominus soli, dum receptum habemus, ut etiam super censibus, vel locis montium, quae sunt stabilia facta, & improprè, imponi possunt, ut in sua materia sub tit. de censib. Attamen haec distinctio ad- aptabilis non erat ad casum, dum unus, & idem erat tot- praeii dominus, & quod magis, impostio limitatè facta non erat super sola parte superiori construenda, sed simpliciter super toto palatio.

Dictam verò distinctionem inter fabricam novam, & antiquam, etiam in casu, quo unus, & idem sit ejusdem aedificii dominus, & possessor, rectè cadere dicebam ad effectum prioritatis, juxta terminos textus in l. inter dum ff. qui prior. in pig. habentur, ut scilicet super fabrica de novo constructa jus non habeant creditores anteriores pos- sessoris in concursu construendum pecuniam mutuarunt; Sive quod creditores venditoris, ac prioris domini, hy- pothecam non habeant super nova fabrica constructa per emptorem, quamvis ista adaequare valorem fabricae anti- quae per ipsum emptorem, in statu tamen bonae fidei demolitam, itaut subrogatio non intret, juxta ea, quae habentur in Romana pro Monte Pietatis sub titulo de credito disc. 24.

Incidenter etiam motivatum fuit de invaliditate imposi- tionis census, etiam ubi limitatè, ac taxativè illa facta fuisset super loca fabrica de novo construenda, quasi quod fuisset contra formam dictae Bullae Piae exigentis pro fun- datione rem stabilem fructiferam, cum de tempore impostio- nis ista non esset in rerum natura, ut in hujus causae deci- sione quoque motivatur, & habetur sub dicto tit. de censib. disc. 7. in hac eadem causa; Revera tamen motivum non erat considerabile quoniam impostio conferretur facta ex nunc pro tunc, quando domus, vel ejus pars construenda, ad illum statum perfectionis redacta esset, quod spe- ciem fundi censiti constitueret, ac propterea difficultas percutit solum statum intermedium, ut donec dicta perfe- ctio sequatur, non possit creditor praetendere fructus cen- sus, quamvis hic punctus esset extra peculiarem materiam alienationis bonorum Ecclesiae.

Demum quoad tertium motivum versionis, illud con- sistebat in puro facto, pro ea tamen rata, quo vero verificaretur, admittebam, ut ex aequitativa actione de in rem verso, rescindendum esset id, quod verum erat, ne detur in Ecclesia completatio de alieno, sed punctus erat, ut non subsisteret tanquam census, sed remaneret simplex creditum pecuniarium infructiferum, remanente qualita- tione, an fructus soluti restituendi, vel imputandi essent juxta ea, quae super ista questione habentur disc. seq.

ROMANA CENSUS PRO GALERATA, ET CONSORTIBUS CUM COLLEGIO PHARMACOPOLARUM ET ALIIS.

Causa disputata coram A. C. & An Signatura, & resoluta pro Galerata, & Consortibus.

De eadem materia census imposti per Confraternitatem, seu Collegium, vel aliam Universitatem piam, vel ecclesiasticam. Et quando de una, vel altera specie dicatur; Et quatenus impostio sit invalida cum ipso loco pio, vel Ecclesiastico, an substineatur cum personis particularibus, & principaliter obligatis.

SUMMARYUM.

- 1 Falsi series. Quando dicitur locus, vel ecclesiasticus.
2 Ubi praxis docet subjectionem forei laicalis, non deservit signis.
3 Qualitas laicorum facit praesumere locum pium non autem ecclesiasticum.
4 De universitatibus, vel collegiis artificum, & professorum.
5 Quod habere Ecclesiam non probet universitatem ecclesiasticam.
6 De ratione ob quam impostio census est alienatio prohibita.
7 Quando hypotheca sit prohibita.
8 Obligatio particularium in contractu cum Ecclesia sub- stinetur, quamvis respectu ipsius Ecclesiae non substi- neatur.
9 De obligatione civium particularium pro Civitate, seu Communitate.
10 Quando creditor non praescribit nullas obligationis ci- viliis, qui est contrabere prohibitis remissio.
11 De resolutione ejusque ratione ob quam particulares fue- rint condemnati, non autem universitas pia, vel ec- clesiastica.

DISC. VIII.

Imposuit Janus censum scutorum 100. ad favorem Patri- tii, cum fidejussione Martini, & Galerati, postmo- dum in Collegium Pharmacopolarum declaravit, cen- sum in ejus causam impostum esse pro ejus aliquibus indi- gentiis, ideoque promittit relevare indemnes dictum princi- palem debitorem, & fidejussores, pro quorum etiam indem- nitate, tanquam principales, principaliter, & in solidum se obligarunt plures ejusdem Collegii tunc temporis ad- ministratores, ac officiales, Cumque impostor, & fidejuf- sores coacti fuissent solvere dictum censum, ac propterea egissent, tam contra Collegium, quam contra obligatos pro revelatione coram A. C. iste, salva provisione facien- da respectu Collegii, relaxavit mandatum contra particu- lares obligatos, illudque canonizatum per Signaturam Ju- stitiae, unde propterea credo, quod actores reintegrati fue- rint, vel quod concordia litem terminaverit, dum amplius de illa actum non audivi.

In his autem disputationibus, Collegii, & coraeorum exceptio, consistebat in praesentia invaliditate impositionis hujus census facta per locum ecclesiasticum, absque bene- placito Apostolico contra formam Extravag. Ambitiosae de reb. Eccles. non alien. Verum scribens pro actoribus (etiam in sensu veritatis, agitur quoque per Judicem) dicebam hanc exceptionem non subsistere ex duplici fundamento; Primo scilicet, quod Collegium verè non esset ecclesiasti- cum, ideoque sub dispositione dictae Extravag. non caderet; Et secundo quod in omnem eventum subsisteret obligatio particularium, ac etiam illa ejusdem Collegii tanquam continens hypothecam generalem pro debito in ejus causam contracto, & verio.

Quatenus pertinet ad primum; Scribentes pro Collegio, reassumendo ea, quae in hac materia habentur deducta per Gabriel. de pia causa conclus. 1. & 2. Barbof. de Episcopo alle- gat. 75. & per Rotam in Romana censum 15. Aprilis 1632. coram Bichio, tunc jam edita in causa, de qua disc. proxime praeced. Dicebam, quod licet de formali erectione non doceretur, cum esset Collegium antiquum longe ante Ur- bis excidium, in quo multae scripturae perierunt, attamen

signa convincebant esse locum ecclesiasticum, utpotè exis- tens in Ecclesia publica S. Laurentii in foro Borio erec- ta in antiquo Templo dicato Faustinae, ubi etiam adest Hospitale, atque divina recitantur per collegiales festivi- diebus, aliaque spiritalia, & pia opera exercentur.

His tamen non obstantibus, omnino verius esse dicebam istum esse locum, sive universitatem laicalem, quamvis piam, non autem ecclesiasticam, ex ea clara probatione, ob quam juxta vulgarem regulam text. in l. ille aut ille ff. dele- gat. tertio, locus non erat signis, & argumentis, quod scilicet subjaceret jurisdictioni, correctioni, & superinten- dentiae Senatoris Urbis; qui est Magistratus merè saecula- ris, omnino incompetens ubi corpus esset ecclesiasticum, quamvis singulari tanquam laici in eorum privatis causis laicali foro subjacerent, juxta distinctionem, de qua sua ma- teria sub tit. de jurisdic. & foro competens.

Fortius verò, quia deficiente formali erectione, cum personae hanc universitatem constituentis essent saeculares praesumptio est pro laicalitate, non obstante quod plura pia & spiritalia opera exercentur, quoniam id facit, ut locus, & vel universitas sit pia, non autem ecclesiastica ad hunc ef- fectum, ut advertitur supra disc. 1. & in aliis pluries, & in ibi allegatis disc. 313. part. 10. & disc. 248. part. 11. recent. ubi concordantes.

Ponderando potissimè, quod non ageretur de Confrater- nitate plurium personarum diversorum ordinum, vel gene- rum, quae primario ex motivo pietatis, ac divini cultus il- lam universitatem efformarent pro divinis operibus exer- cendis, ut sunt Confraternitates, vel Hospitalia &c. Sed ageretur de Collegio professorum unius artis, vel exercitii, unde propterea universitas principaliter ordinata videtur, pro tractandis ipsius artis, vel ministerii negotiis, ac modo se gerendis, juxta illas artificum Universitates, vel Adu- nantias, de quibus mentionem faciunt Roman. cons. 421. Franch. dec. 175. & alii deduci in Romana taxae sub tit. de Regalibus disc. 98. Ac adinstar Collegiorum, quae consti- tuere solent etiam professores juxta dec. 832. & 882. Merli- ni cum similibus.

Et quamvis hujusmodi Universitates artium, vel profes- sionum, habere soleant Ecclesiam, vel cappellam, attamen ex communi usa Urbis, aliarumque magnarum Civitatum ad instar, id principaliter sequitur pro destinatione loci pu- blici, in quo professores congregari valeant, atque regi- men, & negotia artis, vel professionis tractent, accessorie verò, & consecutivè, ob pia, & spiritalia opera etiam exercentia, adeunt, (praesertim in Urbe,) nulla detur ars, nullumque exercitium quod suam non constituent uni- versitatem, cum aliqua Ecclesia, vel capella, ideoque combinando hujusmodi considerationem cum observantia subjectionis Senatori Urbis, qui est magistratus merè laici- lis, ita planum esse dicebam, hanc esse universitatem, piam quidem, ideoque ad praescriptum Sacri Concilii Tridenti. sub- jectam visitationi Ordinarii, qui jus habeat etiam inter- veniendi in redditione rationum, juxta ea, quae habentur pluries sub titulo de jurisdic. non autem ecclesiasticam.

Et nihilominus, ubi etiam esset ecclesiastica, cum ipsa di- rectè super ejus bonum censum non imposuisset, hinc proin- de dici non poterat, quod versaremur in casu propriae, vel impropriae alienationis bonorum Ecclesiae, cum eatenus cen- sus impostio cadat sub prohibita alienatione, quatenus verè improprie facta sit super bonis stabilibus fructiferis, quae ita improprie per hujusmodi speciem servitutis alienari di- cuntur, ut supra discurs. 1. praeced. In praesenti autem fun- dus census erat dicti Jani, qui personam principalem imposi- toris gesserat, Collegii autem obligatio erat solum pro re- cognitione veritatis, ac indemnitate dicti impostoris, & fidejussorum, unde propterea resolvitur in simplicem hy- pothecam, quae ubi non exerceatur pro distractione bonorum stabilium, sed vel super fructibus, vel super bonis mobili- bus, sub prohibitione non cadentibus, non est prohibita alienatio, juxta distinctionem, de qua ceteris relatis Ro- ta apud Rojas dec. 261. repetit. post Merlin. de pignor. dec. 95. passim recepta, & canonizata, utpotè in mate- ria magistrali, dum ita conciliantur, seu declarantur praec- edentes dec. 161. & 205. coram eodem Rojas, ac aliae auctoritates, quae invicem pugnant videntur, ideoque in omnem eventum, dicta obligatio, cum hoc temperamento exercibilis erat.

Quovero ad alterum fundamentum obligationis particu- larium, advertentiam, ut quo ubi magis dicta difficultas caderet super validitate obligationis ipsius Collegii, eo ma- gis planum remaneret, ut dicti impostores, & fidejussores nuluf-

